

# Samarbeidsavtale

## Fjordane Friluftsråd

Kommunane Askvoll, Bremanger, Hyllestad, Kinn, Solund, Stad og Stryn har gjort vedtak om å organisere Fjordane Friluftsråd som Kommunalt Oppgavefelleskap (KO) etter Kommunelova kapittel 19.

### § 1 - NAMN PÅ OPPGÅVEFELLESKAPET

Oppgavefelleskapet sitt navn er Fjordane Friluftsråd, Kommunalt oppgavefelleskap, som kan forkortast Fjordane Friluftsråd (KO), og er i det fylgjande omtala som «Friluftsrådet».

### § 2 – DELTAKERKOMMUNAR

Friluftsrådet er samansett av kommunane Askvoll, Bremanger, Kinn, Solund, Stad og Stryn. Tilslutnad frå nye deltakerkommunar må godkjennast av representantskapsmøtet og som representerer kommunestyret i kvar av deltakarkommunane.

### § 3 – FØREMÅL

Folkehelse er fundamentet i alt Fjordane friluftsråd (KO) gjer. Vi skal, i samarbeid med deltakarkommunane, andre offentlege styresmakter, organisasjonar og frivillige, fremje allsidig og miljøvennleg friluftsliv i regionen. Vi skal stimulere til friluftsliv til beste for trivsel og helse for alle og skape større forståing for nytten av friluftsliv.

- a) Administrasjonen i friluftsrådet skal fungere som kompetansesenter for friluftsliv for deltakarkommunane og andre samarbeidspartar, vere ein pådrivar og ein høyringsinstans i viktige saker for friluftslivet.
- b) Friluftsrådet skal legge til rette for fysisk aktivitet for barn og unge.
- c) Friluftsrådet skal arbeide med sikring, tilrettelegging og drift av friluftsområde av ulike slag.
- d) Gjennom Skjærgårdstjenesten i Fjordane Friluftsråd skal friluftsrådet gjere sjøbaserte friluftslivsområde attraktive og tilgjengelege.
- e) Friluftsrådet skal jobbe for ei reinare fjøre. Vi koordinerer, legg til rette for frivillig og profesjonelt arbeid mot marin forsøpling.

## § 4 - ORGANISASJON

Dei faste organa til friluftsrådet er representantskapet, styret og dagleg leiar. Styret kan velje å opprette arbeidsutval som omtalt i § 7 og eit fagleg samarbeidsforum som omtalt i § 9. Friluftsrådet er tilslutta Friluftsrådene Landsforbund.

## § 5 – REPRESENTANTSKAPSMØTE

Representantskapsmøtet er høgste styresmakt i friluftsrådet og skal heldast innan utgangen av mai kvart år.

Kvar deltakarkommune skal velje 2 representantar med vara til representantskapsmøtet for heile kommunevalperioden. Deltakarkommunar med meir enn 15.000 innbyggjarar møter med 3 representantar.

I samsvar med Kommunelova skal begge kjønn vere representerte når det blir valt 2 eller fleire representantar.

Styremedlemmane møter med tale- og forslagsrett i representantskapsmøtet.

Representantskapsmøtet er også ope for andre interesserte. Representantskapsmøtet avgjer i kvart enkelt høve om andre framømte skal ha talerett i ei eller fleire saker på møtet.

Representantskapsmøtet er vedtaksført når det er lovleg innkalla og kunngjort i samsvar med samarbeidsavtalen. Representantskapsmøtet skal kallast inn etter vedtak i styret, og med minst 4 vekers skriftleg varsel. Sakliste og saksdokument skal ligge ved innkallinga.

Vedtaka fatta av representantskapsmøtet er gyldige for alle deltakarkommunane.

Alle vedtak på representantskapsmøtet skal avgjerast med vanleg fleirtal. Unntaket er sakene som etter vedtektene krev kvalifisert fleirtal. Ved stemmelikskap i saker som krev vanleg fleirtal, avgjer dobbeltstemma til leiaren, sekundært vara for leiar.

Godtgjersle for representantskapsmedlemmane er omtalt i «Reglement for reise- og kostgodtgjersle for styret og representantskapet i Fjordane friluftsråd».

### **Representantskapsmøtet skal:**

1. Godkjenne innkalling, sakliste og utsendingar
2. Velje ordstyrar, sekretær og 2 representantar til å signere møteboka
3. Godkjenne eventuelle nye deltakarkommunar, jf. § 2
4. Handsame årsmeldinga til styret, som skal gjere greie for gjennomføringa av fjorårets arbeidsplan og oppfylle krava til rapportering frå deltakarkommunane

5. Godkjenne rekneskap med revisjonsmelding
6. Vedta handlingsplan og årets arbeidsplan
7. Vedta budsjett, og eventuelle prosjekttilskot eller andre bidrag frå deltakarkommunane.
8. Fastsette neste års tilskot (kontingent) for deltakarkommunane. Ein auke utover 2% frå året før krev 2/3 fleirtal på representantskapsmøtet, jf. § 10
9. Vedta eventuelle endringar i godtgjerslesatsar for styret
10. Handsame innkomne saker
11. Vedta eventuelle endringar i samarbeidsavtalen, jf. § 11
12. Velje:
  - a) Styre med personlege vara i samsvar med teksten under
  - b) Leiar og nestleiar i styret mellom medlemmane i det alt valde styret
  - c) Revisor, veljast for eitt år
  - d) Valnemnd på 3 medlemer og 1 varamedlem velgjast av Representantskapen ved behov.

**Nærare om val til styret, jf. punkt 12 a:**

Kvar deltakarkommune har 1 styremedlem med personleg vararepresentant pr. 15.000 innbyggjarar, men ikkje fleire enn 3 medlemmar frå kvar kommune.

Ein tilsettrepresentant tiltrer styret med tale- og forslagsrett.

Medlemmane i styret har ei funksjonstid på 4 år i samsvar med kommunestyreperioden.

Det er deltakarkommunane som vel sine styremedlemmar med personleg vara i forkant av representantskapsmøtet, personleg vararepresentant vert vald for same tidsperiode styremedlem. For kommunar (over 15.000 innbyggjarar) med fleire styremedlemmar skal begge kjønn vere representerte på fast plass, jamfør kommunelova. For kommunar med eitt styremedlem skal medlem og personleg vara vere av ulikt kjønn.

Det skal samla sett vere minst 40 % av kvart kjønn i styret. Styret skal legge fram ei gyldig styre samansetning til representantskapsmøtet. Dersom val av styrerepresentantar frå kommunane samla sett ikkje oppfyller 40%-regelen, kan det bli aktuelt å bytte om på fast og varaplass av nye styrerepresentantar. Samansettinga vert i så fall avgjort ved loddtrekning eller etter frivillig avtale mellom kommunane.

Eit styremedlem kan maksimalt sitte 8 år samanhengande i styret.

Alle val skal vere skriftlege dersom nokon ber om det. Når kandidatar skal veljast enkeltvis og ingen av kandidatane oppnår fleirtal, skal det gjennomførast omval mellom dei to kandidatane som fekk flest røyster. Er det etter omvalet like mange røyster på kvar kandidat, skal valet avgjerast ved loddtrekning

## **§ 6 - EKSTRAORDINÆRT REPRESENTANTSKAPSMØTE**

Ekstraordinært representantskapsmøte kan innkallast med minst 3 vekers skriftleg varsel etter vedtak i styret, eller når 2 eller fleire av deltakarkommunane krev dette skriftleg.

Saklista skal leggst ved innkallinga.

Ekstraordinært representantskapsmøte kan berre handsame dei sakene som er nemnde i innkallinga, og er vedtaksført med dei frammøtte representantane. For vedtak gjeld same reglane som i det ordinære representantskapsmøtet.

## **§ 7 – STYRET**

Styret har leiaransvaret for friluftsrådet mellom representantskapsmøta.

Styret er vedtaksført når minst halvparten av medlemmane er til stades. Alle vedtak i styret vert gjort med vanleg fleirtal. Dersom det vert like mange røyster for og imot, avgjer leiaren med dobbeltstemme.

Leiaren avgjer når styret skal møtast. Styret kan også innkallast når eit fleirtal av styremedlemmane ønskjer det. Nestleiar tek over møteleiinga dersom leiar ikkje kan møte.

Arbeidsoppgåvene til styret er mellom anna:

1. Tilsette dagleg leiar og fastsette stillingsinstruks og løn for vedkomande, jf. § 8.
2. Fremje oppgåvene til friluftsrådet i samsvar med samarbeidsavtalen, handlings- og arbeidsplan og vedtak i representantskapsmøte.
3. Leie drifta i friluftsrådet og ha ansvar for økonomistyring i samsvar med vedtatt budsjett.
4. Å kunne gi fullmakter (økonomisk og juridisk).
5. Ha ansvar for at det vert ført rekneskap, og ført protokoll over alle møte og forhandlingar.
6. Sende referat frå representantskapsmøte og styremøte til deltakarkommunane, fylkeskommunen og Friluftsrådenes Landsforbund.
7. Førebu saker til representantskapsmøte jf. § 5 med framlegg til vedtak.
8. Skal fremje friluftsrådet sine interesser, prosjekt og satsinger i eigen kommune som ein talsperson inn mot administrasjon og kommunestyre.

Styret kan velje eit arbeidsutval blant medlemmane, leiar og nestleiar inngår i arbeidsutvalet. Arbeidsutvalet kan førebu saker for styret og fatte vedtak etter delegering frå styret. Dette omfattar avgrensa oppgåver som t.d. lønnsutval, konkrete prosjekt og liknande. Arbeidsutvalet kan ikkje gjere bindande vedtak i andre saker enn dei styret på førehand gir fullmakt til.

Godtgjersle for styret følgjer «Reglement for reise- og kostgodtgjersle for styret og representantskapet i Sunnmøre friluftsråd». Godtgjerslesatsar er omtalt i § 5 pkt. 9.

## **§ 8 - DAGLEG LEIAR/ADMINISTRASJON**

Dagleg leiar har resultatansvar mot styret, det overordna administrative ansvaret for den daglege drifta av friluftsrådet og personalansvaret for dei tilsette.

Dagleg leiar skal gjennomføre arbeidsoppgåver, retningslinjer og pålegg gitt i styrevedtak. Oppgåver og ansvar skal gjennomførast på ein måte som er i samsvar med friluftsrådets formål gitt i § 3.

## **§ 9 - FAGLEG SAMARBEIDSFORUM**

Styret kan be deltakarkommunane ved rådmann/kommunedirektør å oppnemne personar frå kommuneadministrasjonen til eit administrativt fagleg samarbeidsforum/eit fagråd for friluftsrådet. Medlemmane bør representere den eller dei etatar/einingar som arbeider med friluftsliv i kvar kommune. Også andre friluftsansisasjonar m.v. kan få tilbod om å møte.

Dagleg leiar innkallar til møta i samarbeidsforumet og leier møta. Forumet tek opp saker av praktisk og administrativ karakter, og er eit forum for samordning og erfaringsutveksling. Deltakarane kan hjelpe dagleg leiar med førebuing av saker for styret.

## **§ 10 - ØKONOMI**

Friluftsrådet er eit eige rettssubjekt som fører eige rekneskap.

Deltakerkommunane skal betale eit årleg tilskot til Friluftsrådet. Representantskapsmøtet avgjer eit årleg tilskot som ein sum pr. innbyggjar i kvar deltakarkommune, basert på folketalet frå Statistisk Sentralbyrå føregåande år.

Framlegg som inneber meir enn 2% reell auke i kontingenten frå deltakarkommunane krev 2/3 fleirtal på representantskapsmøtet

Kontigenten ved avtaleinngåing er kr.20,- pr.innbyggjar + eit årleg tilskot på kr.25.000,- pr.deltakerkommune

Friluftsrådet kan ikkje ta opp lån eller pantsette eigedom utan at dette er godkjent av deltakarkommunane på førehand.

## **§ 11 – ENDRINGAR I SAMARBEIDSAVTALEN**

Endringar i samarbeidsavtalen kan berre gjerast på representantskapsmøte, eller ekstraordinært representantskapsmøte, og krev 2/3 fleirtal

## **§ 12 – UTMELDING**

Ein deltakarkommune kan melde seg ut av friluftsrådet etter skriftleg varsel og lovleg fatta vedtak i kommunen.

Utmeldinga blir først gyldig når kommunen har betalt deltakarkontingenten også for det året utmeldinga tek til å gjelde.

Deltakarkommunar som går ut av samarbeidet tek over oppgåvene friluftsrådet har utført for kommunen. Eventuelle friluftsområde eller installasjonar friluftsrådet eig i vedkomande kommune skal overførast til kommunen. Vederlag vert drøfta. Utover dette har ikkje kommunar som går ut av samarbeidet krav på evt. eigedommar eller verdjar. Friluftsrådet vil ikkje lenger utføre aktivitetar eller aksjonar i den utmelde kommune (eks.vis friluftsskule, ryddeaksjonar marin forsøpling etc.)

## **§ 13 - OPPLØYSING**

Oppløysing av friluftsrådet kan berre vedtakast på eit ordinært representantskapsmøte og med minst 2/3 fleirtal.

Framlegg om oppløysing må vere oppført på saklista som medlemmane må ha fått tilsendt minst 14 dagar før møtet.

Blir oppløysing vedtatt med minst 2/3 fleirtal, skal det haldast ekstraordinært representantskapsmøte 3 månader seinare, med oppløysing på saklista.

Dersom friluftsrådet blir oppløyst skal alle omsettelege aktiva seljast. Saman med andre kontante midlar skal verdiane delast mellom deltakarkommunane, i samsvar med kontingent/tilskot frå kvar enkelt. Kvar kommune tek over oppgåvene friluftsrådet tidlegare har utført.

## **§ 14 - TOLKNING AV SAMARBEIDSAVTALEN – VOLDGIFT**

Dersom det oppstår tvist mellom deltakende kommunar om forståinga av samarbeidsavtalen, og ein ikkje vert samde, skal tvisten avgjerast ved voldgift iht. tvistemålslova.

## **§ 15 - GYLDIG FRÅ**

Samarbeidsavtalen vert gyldig frå den dato kommunestyra i deltakarkommunane fattar vedtak om at dei sluttar seg til avtalen.

Nye kommunar som vedtek å melde seg inn i friluftsrådet etter 2022/23, aksepterer samtidig gjeldande samarbeidsavtale.